



00892

石田先生集卷六十

潘五

周啟南著

後學錢允治功甫校

陳仁錫明卿編

石田先生集卷六十

入台有閒詩賦

長洲沈

周啟南著

西華劉

後學錢允治功甫校

陳仁錫明卿編

內八助

陳仁錫明卿編

七言律

閒雲堪愛何堪爰應是吾師閒勝雲千態可憐翻

手變半閒郵宵為 兮浮生擾、徒勞爾此意悠

悠雞贈君撫掌開門成絕倒秋陰狼藉又斜曛

石田集

七言律三

送郭忠恕歸江西

郭字府客

江左詞名已漫傳春來歸思遠臨川馮驩豈可為

無伎毛遂終非是備員醉倚酒杯歌楚曲自挑書

篋倩吳舡長裾又向王門曳臨別何須重惘然

聞文宗儒桑民憚兩進士同宿三節道院

兩人相別兩年間此地同遊想未還季主高談闢

兩肆陸郎我宿共春山槽家有酒青蚨便道院無

人白日閒縮地何由陪賸賞碧雲離思遠江關

壽王勉時六十

雅懷如水澹無塵閒把流年學種椿秋谷地靈居
子午虛堂神靜守庚申每修藥物因資壽近註丹
徑欲授人鬚髮黝然今六帙咲將明鏡照青春

送韓母資

十年吳下始歸來鷗鷺紛紛然滿釣臺落日長天休
倚劍浮雲故國且銜杯芙蓉雖是秋江物參朮寧
非藥龍材來取舊裝仍作客扁舟北去一帆開

和天全個軒留別錢氏祖席韻

悵飲溪船奈別何風流偏向老年多過橋野色花

石田集

人
七言律三

二

饒爰隔葉新聲鳥聞歌人惜餘懽難作別酒兼殘
醉易生醜白頭給事今疎放已覺山林異諫坡

送范景仁入甯監

高遊辟水曳長裾女獻家聲衆不如九月授衣秋
兩後六堂親火夜涼初須知憂樂先公事好讀都
俞伏父書今日青雲從此去野人著笠看乘車

和韵沈廷佐病起

年來何事不逢君應把醫徑立傳文鬚髮病餘當
頽雪情懷閒在好如雲供飡每具魚蝦味惜香頻

驅鳥雀羣遙想東林覓詩地幾行高樹映斜照

澣開訪劉蓮幕吉夫

開征何事久勞賢自是廉能得兩全出郭暫拋蓮
幕事看山就美水銜錢朝拌首菡清官飯晚市魚
蝦估客船海上書生來問訊好音先聽路入傳

筠雪次陳育菴韻

雪裏移居為竹竿不因
住長安梁園握管休

誇賦灞上騎驢好借看莫道臨門無玉節錯疑開
徑到瑤壇知君自寫瀟湘意先煮茶杯敲夜寒

石田集

七言律三

三

與陳育菴遊廂五次韻

蕭條林壑亂雲浮出郭尋山到水頭草木漸隨西
候裏風光何似昔年遊兩人登塔休誇健雙鬢臨
池已覺秋且辨生公講臺石將詩同向醉時留

和韻張翰林亨父見寄

故國全拋負郭田年來供奉近爐烟東方疏有三
千牘杜曲家惟尺五天詞翰新聲傳樂府江湖餘
問及漁船滄洲吾道君休頽老懶而今只醉眠

和韻沈廷佐留別

東林嘉遯示無能却有清篇瑩壑水清卅白頭嗟
自棄少年黃甲看人登門蟬細葉號秋樹礪鳥殘
花咏晚藤今日幽居接高論不眠同對雨中燈

贈陸古狂和陳育庵韻

新買胡綿絮客衣鱸魚鄉裏正堪依壯音漸逐吳
人改南國頻看翔鴈飛旅館秋風篋劍說僧房寒
雨話棋枰憑誰識得男兒事季子金多始是歸

姑胥臺

姑胥遺業有荒臺今日登臨尚可哀千載苞桑天

石田集

八
七言律三

四

子棄六宮芳艸美人栽南飛鴻鴈秋風早西向山
川夕照開流水梧桐我番夢獨憐餘聖不重来

不出偶成

落葉蕭條秋盡時竹寒深掩舊茆茨自憐宣子居
貧久莫怪申生見客遲黃雀野田無滯穗白魚溪
業有垂條浮雲不管門前事湯費功夫自學詩

祝犬叅七十

懶參藩政憶漁磯七十東還步似飛自信楚丘吾
始壯莫言工部古來稀山家看竹鳩頭杖雪圃尋

梅鶴羽衣今喜高堂對春酒烏紗白髮兩相輝

東莊為吳匏庵尊翁賦

東庄水木有清輝地靜人閒與世違瓜圃熟時供
路涓稻畦牧後罔隣餓城頭日出啼烏散堂上春
深乳燕飛更羨賢郎令玉署封恩早晚着朝衣

陶菴

東林却種紫桑菊亦把庵居扁作陶濁酒寒香同
淡薄南山秋色兩清高黃生有意求居易優孟子
今似叔敖果籍此花成隱逸秦人堪笑錯栽桃

石田集

七言律二

五

七夕

百拙冥冥一病身看陳瓜菓記良辰人皆去乞天
孫巧我自能甘阮氏貧河轉層城知夜久露侵高
樹覺涼新枕頭愧有殘書在潦倒于今博睡頻

送文宗儒尹永嘉

載書作縣一輕車任喜南方且近家山上層城連
北斗海邊名郡說東嘉吏疎牘事常無訟鳥下公
庭早散衙此去三年成卧治試看鷓鴣到金沙

篋窻為惠公賦

禪房淨植不生塵綠玉陰、蓋四隣鄭容遂為真
寶夢維摩聊示不堅身踈櫺度兩秋聲早彩筆題
烟墨色新愧我才非玉右轄雪中雞貌舊精神

送張用宜入醫垣

參芝一籠伴吟身隨薦迨、入紫宸行李不須
愁客路醫垣多半是鄉人揚鞭走馬山程晚九藥
聽鶯苑樹春遙想生涯隨處好金臺重見杏花新
送陳祖賢展省還楚藩

闔閭城郭鴈聲前只暫相逢又別迨楚客自憐庄

石田集

七言律三

六

烏老涿王偏愛賈生賢莫嗔白髮今霜鬢得掃松
楸已十年何苦長裾不容挽秋風催發五湖船

和王秋官元勳病中寄王維顯韻

卧起楓林葉亂飛淡雲新月兩依微庭前除草驚
虫語窓下燒茶阻鶴歸喫飲久違王逸少畫簾猶
類朱元暉絨題為報相思候白萱都寬舊着衣

友人下第

桂遠天高興願違芙蓉花散又東歸惜無老父呈
秋卷喜有賢妻下曉機益水獨隣魚有泳捲書聞

看鳥爭飛移文好報山靈道依舊江東一布衣
寄題江口王廷信家黃荷花

九疑竒種露香新渥柘凝梳認未真漢女淺粧初
映額潘妃微步不生塵綠衣此日甘為裏紅幕于
今悔作賓更使仙標兼月色倚闌添口夜遊人

對堂下老桂憶亡年恣南

百年嘉樹淮南物廿遠無陰蓋艸堂聊有旁枝表
秋色可勝今雨送寒香故園已覺黃金少往事空
驚白髮長竹馬青衫舊遊處看花憶弟最堪傷

石田集

七言律三

七

和方水雲秋思韻

蕭蕭楊柳風連樹淅淅蒹葭雨滿塘南國浮雲何
日定東派之水為誰忙今年白髮驚新種在處黃
花認故鄉莫道徑秋思寥落浩歌猶足送吾觴

訪范山人不遇

振衣繫纜岩石下薄午扣門仍返關扁舟祿度浩
三水主人出來空兩山行憐花落小雨後坐愛鳥
啼芳樹間記名何必上高竹自有白雲知往還

虎五錢別半隱次韻

城外尋山風日清好小原不離江城真娘墓上花
無主短簿祠前鶯有聲烏帽也宜筇竹瘦白頭還
惡酒波明羨君又向茗溪去我活茗溪夢亦生

中秋客中

客裡秋光已半過月華如此思如何囊空不愧黃
金少親老偏憂白髮多庭下殘蕋翻夕露城頭高
樹隱明河故園今夜堂前酒應閣清尊待我歌

馬秋官抑之養病還吳

仙郎喜出白雲司似此知機更許誰未即燒丹尋

石田集

七言律三

葛令先須煖玉買燕姬貪眠怕踏霜朝鼓賭酒常
輸野客棋自愛欲閒、便得况看雙鬢早如絲

送呂通府乃姪還浙

籍牧居官路不賒阿咸來往亦如家思家忽咏南
枝鳥為客因逢九日花震澤秋高風滿棹錢塘潮
淺月籠沙遙山積水徑行處行處題詩感物華

陪呂府倅華節推九日登姑蘇臺次韵

重陽千古上蘇臺伯業于今安在哉城郭西邊秋
嶂合海門東向暮潮回白頭對酒身猶健黃菊無

言客自來敢學參軍狂落帽不妨高咏好開懷

其二

佳節登高有古臺羣公暇日興悠哉東南大鎮才
堪倚西北長安首重回細雨滂教頭上過浮雲不
向日邊來詩成白雪真難和且對清尊咲口開

後陪二公謁伍相祠次韻

忠臣有廟千秋祀伯業無踪一餉烟入幕靈風猶
颯、侵堦細草自芊、存亡好在鷓鴣夷內慚愧當
於螭首前倚壁題詩重惆悵寒鴉飛散夕陽天

石田集

八

九

其二

城頭五相祠堂好眼見香爐生紫烟吳沼已成花
寂、楚陵何在樹芊、一時遺事千年後此日清
談斗酒前落兔布袍冠蓋未悲歌亦得倚秋天

和王元勛所寄武揮使韻二首

兩浥江城不動埃鶴汀鳧渚濕生苔雲開落日千
峰出江引寒潮百里來報盡郵籤初倚棹撥殘燈
火細傳杯將軍油幕閒無事座上惟應酒令催

其二

百雉聳鴉望海城、過繫纜夕陽晴烟荒古成秋
無警風雜寒砧夜有聲莫信杜陵多好句惟於鄭
國見高情酒杯不盡深留戀江水茫、別思生

溪山樂趣

碧溪一道帶青山家住溪光山色間波面草深魚
隊亂門前花落鳥聲閒每輕捷徑非真隱不為移
文有厚顏鎮日垂簾春兩裡茶經香譜事重刪

十一月十六日陪味芝陳先生遊奉慈庵

細路輕兜兩、乘招提深入乳雲層青山影裡蒼

石田集

八言律三

十

髯竄黃葉林中白髮僧戲寫玉茶思舊到醉嘗金
橘記重登詩成謬寫高崖石不覺獼猴上古藤

題杜東原先生畫

杜翁畫幃依然好手拚遺塵認翠微芳草扁舟春
水漫長松高閣亂雲飛只今韋曲無人住何日遠
東有鳥啼江上愁心正千壘不堪題句對斜暉

和五二所寄詩韵

南國音塵久不知客過偶得寄來詩雲深千里淮
陽道鴈度孤城歲暮時握手未開離思緩燒壺讀

讀夜眠遲情多辭妙愁難和沈約明朝帶欲移

虹橋別業為陳母本賦

名園綠水新分業買地虹橋似故居窓裏碧紗籠
野馬案頭青竹走書魚誦聲夜靜魚隣織圃事春
忙率子鋤市上開門亦堪隱酒爐何悔學相如
次張廷采韻再賦虹橋別業

愛爾虹橋新業好城中心遠即江湖黃金寸地雖
能買綠竹千竿不可無俗事後今莫相滌浮名在
母不宜沽吾居自信吾何下亦咲三閭楚大夫

石田集

八
七言律三

十

寄光祿徐山人

複嶺重湖皆罨畫虎山橋畔記曾來蘭茗翡翠家
家有盧橘楊梅得栽迂迳入林藤轆穩泐流沿
澗羽觴迴白頭徐穉高情在深竹衡門候客開

留王元勳

歲晏蓬門兩雪頻留連信宿見情真莫憑後會能
輕別已說明年是遠入曉閣壺觴還繼火寒原草
木漸知春繫舟費日君休惜滂有詩篇叢興新

送道士還俗

侍香何故憶人間流水桃花送出開琳館石房嫵
夜冷秫田瓜圃惜春閒仙都白日無緣住卅路紅
塵帶笑還留得松梢澹殘露別研螺黛畫眉山

遊磧砂寺

雙幢落日倚漁汀北下孤舟此暫停野客偶驚門
外犬老僧隨掩石邊經沙洲古樹藤蘿紫火殿遺
基蒼麥青今夜試留湖上枕疎鐘高浪不堪聽

渡用前韻送王元勳還京

莫怪離亭倡和頻亭中送少奉清真布帆風驟開

石曰集

七言律三

三

長路別酒杯深看醉人紫燕綠帘輕拂兩白鷗青
草淡分春雲司久矣淹久老九棘應知拔擢新

覺海菴次趙大恭韻

石徑登々溪渡深重村已過見青岑當門細草生
山足夾磴飛花落水心萬壑烟霞真樂國百年鐘
梵古叢林老僧為掃莓苔壁勸我題詩記重尋

覺海早興

筇峰舊到今又宿一夜頓忘行力勞隔橋虎跡林
兩過聒枕鳥聲山日高自知狂客興不淺豈是花

禪吾愛也悠然竹閣盟
秋際恰有微風吹鬢毛

和陳育庵山行

青梅薦酒愜詩吟連日
山中取次遊石面泉名書
迹古巖前香炷佛龕幽
叅林高木能人主接礪浮
雲似水流採得路傍黃
躑躅也堪替上醉翁頭

宿田翁賦韓克讚兄自號

老倒秋田計不成金房
無實露晶熒乾坤浩
存糠粃草木悠寄姓名
獨愧素餐無少補還留寸
地待深耕嗟予本是溝
中斲歲晚相逢認弟兄

石田集

人七言律三

三

南湖為華文素賦

南湖盡是名家物今代
風流賀季真青草扁舟落
吾手白鷗萬里屬何人
玻璃倒見波心月翡翠平
開兩裡春我唱竹枝三十
首明朝相約伴垂綸

客有母老久不歸省以此寄之

十年漂泊獨堪嗟別日
慈親鬢已華夜半還家
悲夢裡門前滿眼是
天涯春襟定有忘歸草
秋燭難憑卜喜花聞道
子規能勸客只應啼不到
三巴

附韓宿田遣子問病

秋水浸門秋日長四簷兩脚更浪浪庭鷄啄虫豆
花落山妻啖兒梨糝香故人十篋遣子送多病百
憂令我忘韓符况是讀書者清話共消燈燭光

送客

在家十日不送客何段開門驚繫船離根黃葉兩
迹爛池上紅籠波影鮮把杯細問別來事剪燭謾
妨今夜眠人生良會苦莫久送子仍歌携手篇
和陳味芝壽古景修七十韻

養生滋味在松腹七秩顏丹尚渥如短鍾春泉營

石田集

七言律三

古

團事深簷晴日課見書湖山傲晚林君復丘壑高
閒謝幼輿不獨幽踪遠城府詩筒久亦與人疎

淮陽予古

眇、平蕪漠、沙土人猶說舊繁華流鶯小店春
將半瘦馬荒城日易斜此地錦帆無昨夢何年瓊
樹有新花月明今夜江橋客因聽簫聲倍憶家

陪程論德李武選吳修撰遊虎丘次論德韻

時有淮人送豆酒至

送別尋嘗到武丘斯文何似此迴遊峯頭春閣臨

飛鳥天際雲帆見遠舟美酒試嘗淮市豆新詩聊
戲薛公油座中詞客皆豪俊不教當時趙倚樓

送程仁民省親陝西

匣劍囊琴促曉程關山迢遞不辭行三過芥節尊
公令千里庭闈阿子情吳苑聞鶯春酒熟秦川走
馬暮雲平胡兒壯道無烽火滿地農歌慶耦耕

清明隆阡遇雨

清明真見雨紛紛滴漉林梢雜澗聞仰面傷心無
白日低頭揮淚有孤墳松根絮酒澆新土嶺外棕

石田集

七言律三

五

衣裋濕雲歸路何堪夫向晚昏灰飛起鳥成羣

以椿芽茶分餉周宗道連其詩答

椿芽清以詩中味不見將詩作報瓊解失龍山猶
有補益嘉落帽有嘲之者嘉作解
嘲其女不傳東坡為補之罰貪金谷故無

成香竟抱雨憑何乎靈蘖涵春想浪烹借問南樓
燭花底長髯曾斷幾霜根

和吳太史贈陸允暉詩韵因題

疊嶂真看隱太行眼中能事少人方細憐草木爭
春色淡覺雲烟入練光第早誇韓入室老夫堪

笑絕當場美人寢是吳修撰清白臨風振水蒼

瑞蕉為朱景南賦蓋景南以孝旌門而蕉有

花人以為瑞

朱家孝子旌門日蕉本猶知雨露春十扇綠光風
葉大三危甘潘露苞新王槐有飛還憑物寇竹重
生好忝人今喜此花閒此第牡丹一掃洛陽塵

送趙中美遊西湖

十年不踏臨安路今日因君省舊遊山鳥山花當
好在西湖西子似前否也知行樂多紅拂已僂追

石田集

七言律三

三

歡有白頭繫纜石過春酒醒剔苔應見短題留

送陳嘉言赴洞庭徐氏館

洞庭三萬六千頃看泛圖書入渺茫魚鳥依人聽
絃誦雲霞隨地發文章山連綠橘秋當座湖浸青
氈月滿堂徐孺陳蕃互賓主酒杯相對賦滄浪

會褚昌胤

與君近位不相逢客裡清談入笑容水郭方舟燈
次酒江村斜月夜久鐘雖憐海堯勞民事且喜天
台遠縣封欲辦青鞋訪桐柏未知何人定相從

過席心齋道士

丘墟寂、臨川上桑海茫茫、感蛇餘舊用裘盞靈
霹靂新來劍地入揚鋤羽人欲化楓林老仙鶴無
言石表虛我願追求金薤臺碧苔狼藉湯蛭書

送劉獻之還遼陽兼寄賀黃門

江右遼陽皆故國往來寧有異鄉愁松楸梓梓知
求舊烟水雲山豈好遊暑滿客衣更白苧書裝啼
篋買華翰煩君問訊黃門老 魏闕關心幾許憂

謝松江陳廷璧紫竹屏

石田集

八言律三

七

一迳疎玉漏秋空却羨湖州畫未工雲母影寒金
瑣碎湘妃骨瘦月玲瓏青寧隱枕疑生兩紫鳳臨
軒不避風君子高情寔雅忘渭川兮入小窓中

問沈東林病

問藥前朝有使過枕書知道卧雲蘿未應太瘦因
詩苦自是氣遲覺病多嬉子晚風懸竹戶魚苗新
水漫羨河水烟細、匡床靜遙想支頰兩鬢備

題畫與古中靜別

江上何人歌竹枝故人臨發且遲遲、曉風殘月華

清夢返照歸雲杜甫詩尊酒見饒青眼對江湖
難分白鷗期酷憐別後緘題少併寫溪山寄所思

得孫報宿田

白頭始喜有孫兒喜極還憐養老遲五十二年方
得此初秋一日足正時咩：隔屋啼聲亮落：撐
盆骨相奇搗盡燈花猶未眠題詩連夜報君知

失孫

茫然得失真誰使欲問惟應造物知六月流光人
屬夢千金遺愛淚如絲重來尚結他生願老去難
禁見在悲嗣續百年成庶事蠶苴空剩兩篇詩

石田集

八上言律三

六

賦採花

標帶湘枝出手中開情落意與春同采稍影薄含
微粉金剪痕深破小紅錯使蝶疑連日雨不教人
怨五更風陌家園裏真消息已許吳姬一髮通

夜泊東城外懷李武選陳諭學

微陽已在亂山西客子臨城愁欲迷舟楫茫茫川
平迥衣裳冷：露先淒潮回古潏東流急天隱層
城北斗低只尺故人相隔越虛懷寥落快聞鷄

九日壽夏仁傑

嘗聞有子萬事足况子推恩得美官九日遇生今
更少八旬為壽古猶雞醉傾北海鷗鶴杓秀倚南
山獬豸冠滿眼黃花供一笑蟠桃亦作尋閒看

寶林聚師八十

定裡何曾記歲華萬緣空是壽生涯千峰健步無
昂竹一鉢加餐有飯麻心似青蓮藏殿若眼將秋
月照楞伽問師歷臘今多少不欲通人道喫茶

潤洲魏虛谷道士致書求畫

石曰集

人七言律三

光

煮油攤病卧溪居剝啄聲傳曉夢餘一鶴忽來仙
客驥兩絨應得故人書竹尊暎酒燈花列草閣揮
毫雪影虛要與全萸寫蒼碧十年不見耶生跡

和劉士亨見寄韵

白髮才情軼益却醉吟何處定推敲雲開二三笑
蓉幃雨壓雙湖翡翠巢老眼詫書縈似蚓淙杯四
酒醺如膠風流憶共朱家晏小杏輕烟竹裡庖

送劉二府陞守桂林却

別駕已看驟五馬三吳八桂轉移間去來隨地行

霖雨輕重令人念
雪山故國乘陰連
客路春風柳色動
江關頻年負荷暫
無只把微辭掩厚顏

贈張大叅敬之

白玉峰頭勇退翁
帶金黃映菊花叢
淡無母好營蠅裏
濃有婦心倦鳥中
南國春秋家學舊
以隣伏臘酒杯同
田園遠舍門臨水
汝穎真看有此風

宿惠山聽松庵有懷李貞菴

風滿松庵西日晡
卧遊今喜借禪蒲
舍人水墨蒼苔壁

應有王受石画學士文章紫竹爐
亦有王達善竹叅爐

石田集
人言律三

及詩
抱被真來伴泉石
題詩聊欲記江湖
李膺

獨去仙舟遠月下
郵程夢此無

猪苓為韓克和壽

山中生息草蕭々
剛鬣鬚髭認綠苗
金櫃註名寧有誤
翠筵充貢不從遼
酥凝素質雲猶濕
苔蝕玄膚土未消
珍重涉波將遠意
壽筵風味奪蟠螭

賞牡丹席上作折枝贈劉德成

爛熳初看蜀錦堆
却疑春色隔牆來
酒逢知己何辭醉
花笑貧家不稱開
紅亞暖風憐弱質
當粉含清

露濕重臺明朝只恐都零落為轉長生托紙胎

聞閻文振陞河南方伯

數、聞人說轉官尺書執訊遠應難老成終見
朝廷用流穴今憑宅牧安向內河流開浩蕩案前
岳色倚高寒題詩吊古此宣際爭許邦民伐石刊
和周桐村涵暉樓韻二首

落景輝、映碧甍何人擇勝此來登要從平楚望
千里恨不飛梯高十層賓席晚山掀幕酒商編新
不傍舷曾詩懷浩蕩赤欄畔頭白周郎詩獨凭

石曰集

古言律三

廿

其二

頭白周郎詩獨凭風流那數後人登度公於此興
不淺崔灑題詩誰更健返照未收千嶂影長川已
亂萬家燈和章滿卷少佳句我亦聊從舊墨鉤

送陳啟東諭學衢之江山

魯轅閭輪送青毡又向三衢問浙船一箇教官吾
道在廿年鈴次衆人隣朱簾燕爭憑誰捲皂棧驂
駟且自編莫把此心灰白髮好留清誦與高絃

六月廿五日留別虎丘泰復中松隱庵

虎藜幽庵隱萬松十年不聽講時鐘寺僧禁酒常
醒地狂客留詩自惱儂山葉漸交虫食篆石苔將
漫鶴行踪東婦短棹搖西日猶隔平湖望碧峰

寄雲中范幕府董椽

旌旗動地鴈關開帥府宜收俊傑才油幕每摧陳
子傲月樓還共庾公杯曉騎叱撒衝沙去夜拔蓬
婆踏雪迴男子功名真唾手行間只尺是雲臺
和陳教授賞紫千葉牡丹韻

碧玉堂前富貴花東風開到太丘家繡烟神女沾

石田集

七言律三

三

春雨辟穀仙翁拾晚霞盆土種來千日費內園分
出萬人誇醉看舊有黃封賜不向杏村茆店賒

題杜子美像

滿地干戈草木秋漫將白髮染窮愁英雄感慨言
空在家國銀羅盜未收老淚邊頭哭堯舜此心裏
許夢伊周草堂依舊成都是日暮門前江水流

其二

貧莫容身道自尊先生肝胆照乾坤淚因感事時
時有詩不忘君首存孔雀豈知牛有角杜鵑還

識帝遺堯千年珍重丹青在大雅何從著讚言

拜岳武穆像

松嶺離，草露多碧山高廟獨巖哦天如未喪無
三字國自甘亡有一和宛，丹青尚生氣潛，哭
泣付悲歌伍胥不合錢塘後又見前朝起後波

孫卅節貌陋容請題

白頭儘是老便宜六十餘生天地私學舞固無長
袖子出遊還有小車兒綠陰如水微吟處紫袷含
風半暖時瘦影任君描寫去百年草木要相思

石田集

入
古言律三

三

二八

古中靜學寫菊舊彌鐵梅改為菊堂次張碧
溪韻

近因寫菊更新號所寓何妨扁菊堂水墨津深粉
問道風霜蹊徑晚尋芳梅邊短杖都無夢緝上東
籬亦可觴有酒有花皆樂事人間無日不重陽

題春雲山色圖

江上春晴啼竹鳩白雲狼籍未全收或教小好忽
然去故要樹深終日留其意不知何物命老夫還
悟此生浮與若浩蕩論曾次把筆因之作勾遊

題釣圖和韵

白髮今吾改故吾，此身滿地是江湖。只饒酒債從人舉，敢倚漁竿待價沽。流水之間心自得，浮雲以外夢俱無。綠陰高樹成箕踞，此意憑誰作畫圖。

文湖州竹枝

笑：先生有遺竹，條然畫法妙。魚書千竿水，石秋容合一卷風。雲墨色虛剪，伐已迹漁具。外收藏今保，韋材餘他人。敢奪王家物，舊好重修君子居。

題畫

石田集

人言律三

苗

二十七

嫩黃楊柳未藏鴉，隔岸紅菴半著花。開眼闌干接平楚，夾洲亭館改長沙。悠々魚泳知人樂，故々鷗飛照鬢華。如此風光真入畫，自然吾亦愛吾家。

做大癡小景

江光掩映夕陽臺，今日痴翁安在哉。好在雲山呼或出，何消仙鶴化重來。瀝窮愧汗思濡筆，認錯微軀是托胎。春煖秋涼並無事，白頭不放此心灰。

學雲林小景

燈下秋山影零亂，况兼老眼鎮模糊。筆踪要是存

蒼潤墨法還須入有無自我開簾看翡翠憑誰作
釣拔珊瑚倪迂標致令人想少託邯鄲轉認迂

做雲林畫

知迂的是荆開手聊復從迂寫素秋莫道西山無
爽氣我於冬野合低頭林墟壓葉吹高帽沙水飛
漚掠遠舟一箇小亭消遣得儘將吾道付滄洲

山水圖寄趙民部孟麟

縈：石磴渺林巒百折緣泉草萋湯穿窈窕來憑
柱杖可監桓處藉闌干洗開山色雲生浪鍊出秋

石田集

七言律三

七

寒樹轉丹我約金篋遊未得先圖一紙寄人看

清谿散步圖為徐文序作

老去山翁空世情偶因谿好獨閒行高歌激物鳥
忽語樂事會心人不爭露氣溢花沾濕好風瀾當
日動搖明臨流愛濯無塵濯青布披巾况沒纓

洛神卷

煩馬蕭：駐西日桂旗冉：曳靈風潛川密約殷
勤記流水微辭宛轉通珮玉有聲山月小襪塵無
迹浦雲空人間離合須臾事還似高唐一夢中

題夏景

地靜林居無日影，紫微花落暑闌珊。
兩翁白髮棋爭後，一箇黃鸝茶話間。
雨氣欲來泉脉動，風颺略過樹陰間。
隔溪草閣尤涼淨，更擬呼杯看鶴還。

錄余青陽廷心與鄭山子美手札

國難倉惶細語幾，危城落日大江邊。
干戈一膽公生死，淨渡千年尚簡篇。
家裡織絛如有婦，波心抱印若無淵。
燒香洗手重新綠，颯覺英靈筆研前。

題史西村遊杭詩稿

石田集

七言律三

共

珠貝連篇一卷閒，只疑捆載古杭還。
候潮路遠肩輿重，酌月詩長酒量慳。
自惜舊遊坊老病，且從新白見湖山。
問天賒取明年健，何必因人有厚顏。

讀盛仲規遺詩

飯盤首著湯闌干，自信書生骨相寒。
遠落荒州悲燕幕，老收微祿笑鮑竿。
一杯墮雪方歸國，萬事浮雲又蓋棺。
燈下遺詩不堪讀，來句與風酸。

九日無菊賞芙蓉

芙蓉九日爛尊前，籬脚黃花苦未

素謂及時香

落後本開遲者却當先紅粧風露秋無價白髮年
光醉有緣今許滿頭還乳插齊山笑口不須偏

賞玉樓春牡丹

白頭杯酒重臨軒喜見名花又一番春粉賦霞微
著暈露紅漸玉淡生痕酷憐似醉還饒笑儘是多
情尚欠言老者相看聊見在遠謀何暇為兒孫

梅花

寂、疎林滿地苔自知溪迳不容媒沈郎太瘦亦
後耳范叔一寒如此扎湯有心腸竟何與本無顏

白集

七言律三

七

色未須猜老夫氣味頗同致歲晚相逢笑口開
東闌牡丹為好事者掘去

荒庭粗整石闌干始買花栽得牡丹富貴同心有
人愛繁華移手別家看烟根已撥苔猶破兩坎空
存土未湯矣撫老懷無所惜固知留到子孫難

二十日見菊

刺眼新黃見曉枝衆皆爭早獨何遲晚成霜下真
能奈靜寄雜根不自卑聊補一年秋淡薄追嫌九
日事參差老夫謝酒緣多病醒咏還如落帽時

病起詠菊

試步庭中兩迹晴，籬花黃白似相迎。
病腰徒倚秋分瘦，老眼朦朧晚借明。
南國金夫空倚富，東家玉女自含貞。
一年一度期追榭，今恠山杯欠此情。

病中折菊為供

憂懷判與菊無私，奈此籬根爛煬枝。
強借陶瓶應秋事，因將病眼澆寒姿。
夢中笑口簪花伴，枕上清齋止酒詩。
小閣紙簾岑寂地，茶烟零亂髮絲垂。

草堂前梅榭今春相續試花

石田集

七言律三

六

春色今年真古臺，東風續見桃梅穠華莫惜三。
杯賞寂寞原非一日，培我有好懷隨物遣花於老。
眼盡情開人生寂似紅芳迹，白髮蕭然感綠苔。

吳元玉邀賞牡丹分韻

百朵香雲怕急飛，未曾來賞判遲歸。
臨軒要約從先定，折簡頻煩恐後違。
藥玉酒船羣客送，黃金筵道主人揮。
添燈不道成深夜，起看紅粧覺露微。

和陳玉汝大理乞竹韻

僮子才通醉日書，長身早見載專車。
葉留宿雨鸞

翎濕鞭走新泥蟻節舒下馬題詩添過客借風清
暑便憐居夜來半舫齋中月壁影蕭蕭水墨虛

梨花

瑩白姿容謝粉鉛不教酒洗自嬋娟日華煖把溶
溶雪月影涼生淡烟深鎖春愁歸院後靜思先
夢凭闌過那堪掃地東風惡抹撥清明又一年

落花三十首

富逞穠華滿樹春飛飄瓣落樹還貧紅芳既蛻仙
成道綠葉初陰子養仁偶補燕巢泥借寵別修蜂
石曰集 八七言律三
蜜水資神年為尔添惆悵獨是蛾眉未嫁人

其二

飄蕩復悠悠樹底追情到樹頭趙武泥塗知
辱兩秦宮脂粉惜隨流癡情戀酒粘紅袖急急穿
簾泊玉鈎欲拾殘芳構為藥傷春雞療箇中愁

其三

玉勒銀嬰已倦遊東飛西落使人愁急挽春去先
辭樹懶被風扶強上樓魚沫劬恩殘粉在蛛絲牽
愛小红留色香久在沈迷界懺悔誰能倩比丘

其四

是誰搗碎錦雲堆着地雞扶氣力頽懊惱夜生聽
兩枕沉浮朝入送春杯梢傍小刺鶯還掠風背差
遲鳩又催瞥眼興亡供一笑竟因何落竟何開

其五

十二街頭散冶遊滿街紅紫亂春愁知時去、留
難得悟色空、念罷休朝掃尚嫌奴作賤晚歸還
有馬堪憂何人早起疇憐惜孤負新粧倚翠樓

其六

夕陽無賴小橋西春事闌珊意亦迷錦里門前谿
行浣黃陵廟裏鳥還啼焚追螺甲教香史煎帶牛
酥嚼膳娛萬實千鈿真可惜歸來直欲滿筐携

其七

一園桃李只須臾白、朱、微樹無亭恠草玄加
舊白窓嫌點易亂新朱無方漂泊開遊子如此衰
殘類老夫來歲重開還自好小篇聊渡記榮枯

其八

芳菲死日是生時李妹桃娘盡欲見人散酒、春

亦去紅消綠長物無私青山可惜文章喪黃土何堪錦繡施空記少年簪舞處飄零今日鬢如絲

其九

供送春愁上客眉亂紛々地許多時擬招綠妾難成共戲比紅兒煞要詩臨水東風掠短鬢惹空晴日共遊絲還隨蛺蝶追尋去牆角公然隱半枝

其十

昨日繁華煥眼新今朝瞥眼又成塵深開羊戶無來客漫藉周亭有醉人露淨烟淺傷故物蜻蜓蟻

石田集

七言律三

四

跡弔殘春門墻蹊迳俱寒落丞相之時却不真

其十一

芳樹清尊興已闌拋家濠地又成團帶烟窓扇樞斜透夾雨簷溝瓦半滂老衲日皮間作觀小娃裙衩戲承歡無端打破繁華夢推被傷春卧不安

其十二

斷送韶光入雨聲羣芳何力與誰爭鹿銜御苑非佳兆馬進天墮借美名時不可為傷薄命事因無賴到輕生堪憐堪笑知多少直得吟翁老費情

其十三

東園重過悵徘徊白乳紅絲似剪裁昨日不知今日異開時便有落時催留連空樹渾無賴牽惹閒愁却悔來固蒂長生信三朶又非仙頂莫栽培

其十四

再四追尋何處鳥石闌干外竹簾前青煙夾墮容相賴黃鳥兼飛得可憐移昨夜燈修故事剩今朝兩泣餘妍摧殘悵感年：慣將謂今年劇去年

其十五

石田集

七言律三

世

馬追紅雨倦遊回春事闌珊意已灰生怕漸多頻掃地酷憐將盡數銜杯莽無留戀墻頭過私有徘徊扇底來老去望牽宜絕物白頭自笑此心孩

其十六

拋蕞脫當亂如擎搥借鸞膠不可黏梨雪汨磻人病酒絮風撩面妾窺簾干林如約垂：盡一片相先漸：添欲托丹青著遺愛損無情思筆難拈

其十七

處：春光花滿烟忽隨春去便凄然風前敗興休

常立窓下開愁且肯眠放怨出宮誰戀主抱香枝
并死同緣夕陽寂寞江南壯欲滿西興舊渡船

其十八

樂遊園裏覓芳菲
莫能全作片飛開日未閒如
已謝見時無我惜
多違香猶鬱土亡妻
莫淚不成
粧棄婦
正是使人追憶地
况來惹鬢渡沾衣

其十九

花歎延春奈子規聲
催到綠陰時
遲來杜牧惟
逢葉深信秋娘空折枝
悲濺淚邊何忽
悶低頭

石田集

七言律三

世三

處共垂、淹留牆脚薦黃甚蝶已無情
螳有私

其二十

千樹何曾剩半株
芳魂惆悵與時殂
層、疊、根
頭有寂、寥、之、葉
底無騷亂
又當春結局
流亡真
要我為圖
趁空獨讓沾泥白
着想留懷自覺輸

其二十一

百五光陰瞬息中
夜來無樹不驚風
踏歌女子思
楊白進酒才人賦
雨紅金水送香波
共渺玉墻看
影月俱空
當時深院還重鎖
今出墻頭西渡東

其二十二

陣、紛飛看不真霎時芳樹減精神黃金莫鑄長
生蒂紅淚空啼短命春草上苟存流寓迹陌頭終
化治遊塵大家准備明年酒慚愧重看是老人

其二十三

擾、紛、縱渡橫那堪薄、更輕、沾泥窳老無

狂相留物坡翁有過名

東坡三咏落梅云
留連一物吾過矣

送兩送

春長壽寺飛來飛去洛陽城莫將風雨埋冤殺造
化從來要忌盈

石田集

人言律三

世

其二十四

似雨紛紛落處晴飄紅泊紫莫聊生美人矢遠無
家別逐客春深盡族行去是何因越忙蝶問雜為
說假啼鶯悶思遣擾客酣枕短夢茫、又不明

其二十五

春婦莫怪懶開門及至開門綠滿園漁楫再尋非
舊路酒家雜問是空村悲歌夜帳虞兮淚醉侮烟
江白也魂委地于今却惆悵早無人立殿風檐

其二十六

節枝侵曉啄芳痕惜尔庭階亦暫存路不分明愁
喚夢酒無聊賴怕臨軒隨風宵去從新嫁棄樹難
留絕故恩惆悵斷香餘粉在何人剪紙一招免一

其二十七

十分顏色儘堪誇只柰風情不戀家慣把無常玩
成敗別因容易惜繁華兩姬先殞傷吳隊

徐武軒
吳王二

看跳蛙

其二十八

石田集

七言律一

五

落柘開權既屬春少容遲緩亦誰嗔酷憎好事敗
塗地苦被閒愁帶殺人細數只堪滿眼顧仰吹時
欲墜頭巾不應捫虱窮蒼者薦坐公然有錦茵

其二十九

東風刮、劇情吹萬玉園林才不遺席捲橫波西
楚債國亡空愴後庭詞拂紅回去思前度搔白看
來惜少時真恠留連三十咏老夫傷處少人知

其三十一

賣空蓋空兩滿城塵芳戰艷寂無聲白頭苑裏開

陪掃紅粉佳人，暮著驚莫論。漫山便俗還憐點，地亦輕盈乳粉。處無憑據，一局殘碁不美羸。

蔣菊

合瓦團圓，縛小盆烟叢。分蔣遠秋軒，先教辯葉方知種。更慮澆泉太潰，根寒送餘甘。歸築籠晚後薄，分與柴門開。花解向天涯笑，遊子何時憶故園。

雪蕉

王維偶寫雪中蕉，一種清寒尚未消。前度風流思舊觀，後人影響見新標。殘黃潦倒漫詩跡，破綠離

石田集

七言律三

興

披折扇杓，今日蒙翁同庶夢。曉窓呵筆費辭招。

陸翁贈蕭杖

一竿紫竹歲寒條，十節中通亦當蕭。使我弄秋唇有賴，累翁歸夜手無聊。星含古竅聲猶滑，霞漬長崖色未消。老甚出遊今得力，坐吹明月廣陵橋。

咏簾

誰放春雲下曲墮，一重薄隔萬重情。珠光蕩日春如夢，瓊影通風爇有聲。外面今日倍惆悵，裡邊容眼自分明。知無綠分羅輕入，敢與楊花燕子爭。

白燕和袁海潛韵

素姿驚眼舊全非百姓尋常識者稀
向月似看雙練出開簾起放一鷗歸
知飡雪液通仙骨解剪霓綃作舞衣
定是阿嬌釵上玉卻未金屋几雙飛

螢火

閃、螢、無定居隨風星散滿郊墟
空名何補昏黃際未照聊永腐爛餘
陰類濫明如火冷小流乘隙恠窓虛
自憐老眼模糊甚幾著囊盛已廢書

人影

石曰集

入言律三

世

身外觀身托我成我初生日汝同生
謂無亦有終無實假有如無強有名
夜僻湯隨燈慘淡曉窓偏屬鏡分明
美來惟與鰥夫稱老去猶堪作伴行

破蕉

翻手青、覆手黃也隨人事作矣涼臨
闌默、低頭月滿眼蕭、敗典霜舞袖
郎當官妓老田衣顛倒醉僧狂明年
看受春風寵醉墨重題展賀章

楊花

撲面吹衣雪點晴亂紛、地亞夫營
借風為力終

無賴與水何緣却託生看雀啣金新蕊破愛蜂撩
玉小團輕踏歌女子空連臂喚不歸來信薄情

其二

恃何顏色溷真狂雖取花名未取憐寒士衣裳思
袂猶相公簾幕欲溷天吹漲不起春泥土撩亂無
端老髮邊一種前門小兒子傍風因日弄輕圓

送門神

抱開懽悴兩瘦兵衆欲麾之我溷縈檢尔功名惟
故紙傍誰門戶有長情戟悲雨迹銷殘畫蓋頽玉

石田集

八
七言律三

七

緣戀絕纓莫向新郎訴恩怨明年今夜自分明

棄婦吟

白頭吟後我重吟海水何如我恨深外面笙歌裏
面淚一家恩怨兩人心雙鴛沙暖春全透孤鴈霜
寒月半沉毀却鸞釵休認火不知長舌解銷金
鄰有富子費盡五行乞賦此以戒暴殄不守

先業者

蒼毛盧面走趨、破練秋風裹凍鶉今日泥塗眼
前事少年歌舞夢中人口餐未卜墻無祭戶稅猶

存拓已薪寄與富見休暴珍儉如良藥可醫貧

諷久客

宛五擊鼓滯婦人酒盞花枝日
新千里鹽資方貴楚十年僭筭未收秦開臨落月鷄催夢路逆西風馬避塵鄉信悠
不堪寄深閨愁絕鴈聲春

荷杯

花共娟、脩玉危紅粧文字兩相宜
分香客座頰風細傾蓋林亭要日遲
仙子新開壺裏宅佳人舊雪手中綵
便應此會同桃李酒政頻教罰后詩

石田集

十一卷三

光

詠錢

扁、團、銅作胎能貧能富亦神哉
有堪使鬼原非謬無任呼兄亦不來
搖爾苞苴莫湯與終然撲滿要遭樵寒儒也辦生涯地四辟春苔綠萬枚

其二

存亡未了復存亡
慾火難燒此利根
生化有涯真子母
圓方為象小乾坤
指揮悉聽何須耳
患難能排豈藉言
自笑白頭窮措大
不妨明月夜開門

盃水映日圓影土簷可愛而賦

孟漪陽采合晶熒圓見簷牙倒影明剛就一圈包
太極類從六觀究無生照來虛室星光現印八空
深月相成且信茅茨藏白壁尚期知者論連城

雪鶴

何年白鶴遠東去雪影翩々喚不歸少保畫圖殘
粉在冷威城郭故人非臨臺夜色迷丹頂珠樹春
寒失稿衣塵海別來三萬日碧雲迢遞憶高飛

挽張東海

只合留君白玉堂天教醉墨賁南荒衰毛送老歸

石曰集

八言律三

四

乘短遺草隨年化後長我欲扁舟訴離別竟成清
淚作存亡因尋舊寄聞鶴帖人物傷心墮渺茫

悼張靜之黃門

先皇深寵死難忘魂識還依玉案傍滄海莫知歸
有鶴白雲誰謂去無鄉念終在子天終吾世自存
詩人自亡憶得西湖鶴咏地豈勝清淚月微茫

挽沈明德

青袍落鬼衆堪憐每々科場讓少年原憲長貧還
有病淵明一火竟無塵小篇絕筆留孤邱半紙虛

名付冷檀竟憶西湖是歸路梅花月色尚依然
哭劉邦彥二首

五十年來托故知
秘竊兩會便長辭
湖山好在無人物
風雨空令有淨澗
松下骨埋宗長鍾
梅邊竟和老連詩
瓣香在手身違病
月落斜窓起坐時

其二

天教行樂住杭州
今日湖船似舊否
樵恠劉郎來不再
詩憐杜甫死方休
風流山水仍紅拂
富貴壺觴到白頭
寂是竹東聽雨夜
而今空有夢追遊

石田集

七言律三

四

讀吳文定公御祭文

德望文章稱科甲
官階壽考更兼之
嗚呼今日延陵墓
不愧當年有道碑
天子重傷麟喪魯
吳人私幸鳳生岐
白頭野老宜先死
翻向秋原哭所知
挽東禪信公

匪頂霜根七十強
笑呵地佛心腸
掀翻趙老茶公案
踏破林仙酒道場
屋掩雲蘿秋榻淨
殘經松月夜窓涼
我來借宿今無主
還擬呼之在醉鄉

挽陳育菴

不見先生系所思交遊何地覓襟期坐來忽化身
無病傳是成仙我亦疑剝啄巢瓢偷鶴嘴穢滕詩
草付蛛絲謠吟舊寄皆珠貝只恐能飛物亦奇

挽劉芝田

老倦長遊雪滿顛澄江歸理舊芝田候門裹足無
名刺野店扶頭有酒錢捫虱正談天下事逢蛇忽
忘夢中年孤兒為問他時計猶指床頭捍闔篇

悼華宗潮早母

老親揮淚哭賢郎健眼腫朦減舊光天上賀樓今

石田集

八
古言律三

四

夕夢暑中香枕去年涼落花有恨青春短宿草無
情白日長知爾遊竟應不遠夜深還自到高堂

挽鄰僧福公

水西鐘磬我比隣惆悵尋師迹已陳生死關心皆
是夢交遊回首漸無人名題白石新城塔影照青
燈舊寫真黃菊酒香詩社裏相思偏使淚沾巾

追挽朱彥

蘇臺草色我迴新露冕行春踪已陳懷惠十年猶
有淚愛民今日已無人郡中盡欲圖司馬地下何

函借寇恂惆悵水蘭堂上月清光不照此花身

挽草窓劉先生

蓉城人去路茫茫空有詩名出四方千首杜陵青
史筆三朝顏駟白頭郎老來涕淚開時事病裡音
書隔故鄉今日王孫招不返江南春草為誰芳

挽楚珍上人

憶分香積未經旬杖屨重尋不見人今日維摩真
是病後時圓澤豈無身烟霞一榻筵應秀風雨空
山草自春寂滅未知方外樂我來却有淚沾巾

石田集

人七言律三

三

挽蔡工部公著

鶯聲春色滿星截憶得高筵話久違金水載花門
外過玉駟穿柳省中歸一官未轉身將老十載相
逢鬢已稀誰道別來成永隔薤間晞露益沾衣

忌日哭祖

音容已痛一年違泉下人間事捻非忍拂遺塵奴
草稿尚將殘淚戀麻衣蘭心悞悴春雞報竹祖凋
零鳳不歸惟有西原千古地夢魂長遠白雲飛

哭劉完庵

故人不見、新五滿目斜陽水乳流殘紙獨餘書
法在舊囊邠有使金留半生知己酬清淚一夜傷
心瘦白頭寂寞小山叢桂裏空怜鷄犬憶仙遊

挽唐母楊氏

蘭孺蕙佩掩新塋美行空留石上銘孝起病親邠
惜段義存孤弟不知兵玉臺鸞影何時去錦字蛛
絲昨夜生揮盡賢郎雙眼血吳淞江水幾時清
挽金秋官尚德母高宜人

愛萱人去壯堂虛猶有賢名誦里閭天上春雲封

石田集

七言律三

四

誥錦山中寒月照孀居藥丸遺苦悲熊胆教墨消
香憶鮪書今日諸郎多血淚花間偏濕舊乘輿

哭許貞

人生壽短由天數為汝純明特哭之眼淚不堪執
水注髻毛合作曉絲垂病妻顧後身聊落弱女成
家事未期惆悵夜來孤夢裏東床寒月見清姿

七月十四日聞王怡節訃

怡節與亡弟繼南為姻家繼南之亡

先一年而前一
日故詩云

王辰有淚悲吾弟癸巳悲君更滋然莫免

後日距生休論短長年高悟空掛鳴琴月潔竹猶
栖莫樂相如此仁人如此壽穢詩誰與問蒼天

兩湖聯句

畫船載酒入空濛四面湖山水墨中

史

繫纜石留

秦舊物賣花人帶宋遺風

王

怕寒沙鷺低拳白受

濕汀花淺破紅

周

未必晴時能勝此笙歌莫放酒

杯空

沈

石田先生集終

石田集

七言律三

三

石田先生集

長洲沈 周啟南著

後學錢允洽功甫校

陳仁錫明卿編

五言絕

自君之出矣

自君之出矣朝不梳洗思君如馬蹄千里復萬里

其二

石田集

五言絕

自君之出矣獨宿黃金闥思君如織女不得渡河西

其三

自君之出矣盈々太瘦生思君如浮雲不知何處行

其四

自君之出矣妾淚不曾乾思君如破鏡何日再圓

圖

玉階怨

寂寞復寂寞玉堦花乳落源風昨夜來團扇不復作

其二

團扇漫團扇秋來不相見珠簾十二重已有雙飛燕

寶林寺十咏

煮雪寮

衲子吹松火開門煮六花莫言宜麥事且喫趙州

茶

石田集

五言絕

梓宇

高倚寮居種清陰帶北山甕材人不用且伴老僧閒

山茶塢

葉暗冬林黑花深晚迢迢落紅僧過處打着紫伽黎

水竹亭

清流環四面有竹在亭旁十日無人到儵然春笋長

蕉窓

淨植碧窓下疎櫺大葉垂
夜來春雨裡愁洗舊題詩

石橋

橋南車馬道橋北招提境
僧從橋上過遊魚怖人影

方塘

方塘方似斗涵天生四角還
見月團圓夜向談心落

石田集

五言絕

三

枳欄迳

奕迳種枳欄陰迳百步餘
春來新子發緣未可求魚

停鵲館

不意龍象區寵臨鸞鵲侶
太史遠占星知有賢人聚

薜蘿龕

牽緣補春雲閉門不須鎖
夜深禪誦時玲瓏見燈火

偶成

守義黃金遠加年白髮盈黃金與白髮任尔兩無情

為友人寫蕉

便欲開船去因君更寫蕉要知相憶地葉上雨蕭蕭

夜泊平望

水驛人語靜黃昏初艤舟西來是蒼雪未卜幾時還

石田集

五言絕

四

謁陸宣公書院

匡濟艱難日丹心骨鯁言千年猶炳若誇煇復何存

宿遮山下

海氣蒸衣濕孤蓬火未消夜深無夢處客枕卧秋潮

道北干山

朝行北干南暮行北干壯來往人不知青山自相

識

孫妃墓

傾骨今何在，高牆自夕陽。
墳前有桃李，猶認出紅妝。

即事

日出東窓上，門前啼乳鴉。
狂風夜來過，無樹可留花。

閏九月廿三夜夢題成卒扇

落日照高臺，秦川畫裏開。
阿兒隨望眼，與娘臺上

回

石田集

五言絕

五

姚江十二咏為陳玉汝賦

大姚山

山大當我何，山高還幾許。
借問山中雲，何時出為雨。

東明院

寺在高明處，樓臺出萬松。
小僧奔無膽，未曉誤鳴鐘。

金家蕩

平湖何淼淼，一鏡寫秋容。
婁江在湖北，淞水在湖

東

金墩

落日下高原高原當古田原中人不作芳州自年

望澤

東南魚鳥地堪與清茗从我把珊瑚竿期誰弄雲

水

陳湖

陳湖深且廣日夜東南流湖頭人似玉為君懷遠

石田集

五言絕

憂

姚城

人語魚蝦市溪微羨蔣租雖然稱樂土得似武陵

無

上馬石

石沒潮來處石出潮去時潮來復潮去石亦不曾

知

磧沙寺

古殿瞰清湖高幢標碧樹聞有註詩僧欲覓今何

處

簾墟

霽、
蘇麻逢濛、
墟裏烟人家遠城郭風景似斜

川

食利注

粟金非此出利名何以傳憑誰更疏鑿為爾引廉

泉

瑞雲觀

飛觀凌丹霄上住飡霞客時有步虛人風吹度笠

石田集

五言絕

七

澤

天碧寺

青天在屋上流水在屋下主者自開門玻璃向人

瀟

適趣亭十二詠為平江伯陳公賦

竹徑行厨

後席臨高竹行厨洗玉盥元戎愛歌舞拂袖教青

鸞

蓮池釣具

鷓鴣紅蓮水蜻蜓青竹竿還知掣鰲地東海始為寬

雨中春樹

林光春雨裊羣木未開晴十萬旌旗濕簾前看洗兵

茶竈晴烟

裊々復裊々山亭茶熟時清風無聊賴故惹鬢烏絲

菊存晚節

石田集

五言絕

桂散天香

亭在天香裊秋風四面吹千金還有子拔地出高枝

葵心向日

大將心忠赤栽花亦向陽捫心對花坐彼此共恩光

槐影屯雲

槐影張高幕林亭發綠油將軍讀韻畧六月氣如

秋

松邊引鶴

落、乘軒物松間伴散行
最憐白玉帶相映羽衣
明

柳下觀魚

緩帶垂楊下觀魚
流水中江湖人不遠
尺素幾時通

酒杯皓月

有月來青天落我酒杯裡
酒盡忽不見天上長
在

石田集

五言絕

九

雪裡寒梅

一亭圍萬玉梅與雪相宜
羔酒清香地還思
破蔡時

為張固寫鷄

黃卷青衿子紅冠碧距鷄
要知勤讀處須候五更
啼

菖蒲

秋根落石細晚節蘸泉涼
此意憑誰識江南謝侍
郎

繡球

朶、玲瓏玉團、簇不開天風苦無賴推月下珠臺

老少年

朱艸老而秀秋顏還返童題詩寄霜葉慚愧白頭翁

秋葵二首

栗玉為仙骨蜜羅裁道衣石闌風露下相見是耶非

石田集

五言絕

其二

碧闌供瘦倚薄著淡黃羅不是神仙侶其如風霜何

芙蓉

冷艷發秋根窈窕江上村托生緣自晚不敢望春恩

棉花

蕊含紫附簇雪醞碧鈴深小艸存衣被長人誰此

心

格律

格律接格律辛勤鳴露蟲音聲作能事終久不成
功

杏花燕子

杏花初破處新燕正來時紅雨裏飛去烏衣濕不
知

題牡丹雉鷄

文禽被五色故對牡丹前何似舜衣上雲龍同煥
然

石田集

五言絕

十

題竹

冰霜俱不知風雨亦無恙
出縣高未可限墨
丈

畫鴉

小人本無狀老子試途鴉此意詩三百非惟善可
諄

題畫

我愛碧江淨輕舟點破秋
西風捎髻脚直得不梳
頭

題畫

一步凌一步山鳥與水邊他人休訝我閒便是神仙

題畫

虛亭不礙秋落葉直入座可人招不來幽事如何作

題雪景

一白千山合清光照膽寒小橋沽酒少少玉痕乾

石田集

五言絕

七

附六言絕

題畫

入尋靜處深住屋向林中小營窓下數枝鷓鴣門前一箇流鶯

題畫

花落水流春去艸生雨喚愁來一日垂簾獨坐晚晴方為山開

石田先生集

五言絕

石田先生集

長洲沈 周啟南著

後學錢允治功甫校

陳仁錫明卿編

七言絕

初春

番煖番寒似小兒
嫩春天氣作嬌癡
領先辦酒等
花發醉到花飛亦霎時

七月十五日城中晚歸

石田集

七言絕

晚郭歸舟急若何
市塵猶恐累漁蓑
到家覺得爭
風雨兩樹芭蕉破葉多

和吳匏菴姚氏園池四絕

宮庶才名天下知
舊題留在此園池
墨痕蠹盡重
翻稿二十年来似夢時

其二

蚤起治園晚始歸
黃昏蝙蝠滿堂飛
人家夜例關
門睡甚矣先生併去扉

其三

雨後春池湧石磯櫻桃梅子兩爭肥東風試暖諸
生暇閒就滄浪浣舊衣

其四

小園池儘自清不曾誇大命新名看花看竹多
佳客竹與迨陪花送迎

道傍酒館

酒香觸路酒旗青去馬來車到此停信是利糟名
粕釀行人醉煞不曾醒

題致道觀靈蹟二首

石曰集

七言絕

藏丹地底發金輝半夜通明識者稀生子老師還
急起畫符封井鶴先飛

其二

檜蛟欲走夜壇雷飛石驚門不敢開明日道人成
一爇綠陰仍鎖舊樓臺

題富翁扇

翡翠堂深酒瑞人風簾吹上一鈎銀門前祗見春
狼籍却惜飛花散四鄰

贈老人

淚滿雙頤雪滿顛一身憔悴自應憐座中誰似楊
開府莫易逢人話少年

讀荆公爭墩詩

荒墩落日草蕭蕭公我相爭已異朝黃土不知今
古姓亦無百姓種青苗

徑舊遊

竄無根柢是豪華昨日池臺又別家種之傷心秋
雨裏芙蓉只好不看花

淵明采菊

石曰集

七言絕

三

典午江山醉不支先生歸去自嫌遲寄奴蔓草無
容地慳剩黃花一兩籬

子陵垂釣

一出聊全故舊私急歸自信海鷗安中間亦有若
臣誼買菜爨生豈得知

思理衣

七十餘年一老翁心情鶻突腦冬烘寒衣無婦無
人補日、開窓怕北風

其二

七十餘年一老翁
衣穿絮破不堪縫
清霜滿地無
巨畫掃得蘆花莫禦冬

睡起小酌

黃鸝啼夢粉牆東
簾幕深沈日
風起煥酒杯
尋一醉春愁打破落花中

病起

病骨支窮却下堂
瘦顏衰鬢入愁鄉
黃鸝饒舌花
饒笑一樣春風有別腸

睡起

石田集

七言絕

欲晴不晴雲閣雨
欲落未落日掛山
道人睡起思如水
閒倚長松數鶴還

聞楊君謙致政賦此以致健策

秋空歸鶴楚雲高
白背青山白苧袍
多少玉堂金馬客
待抽身得已霜毛

其二

都門祖帳百花飛
多見龍鍾賦式微
較取柳條千萬折
不曾送一少年歸

其三

碧山勾引少如飛，少日知聞古亦稀。只有馮良年
頗似，又非曾惱督郵婦。

送周桐村

白髮烏紗將八十，文章談笑見揚雄。風流不減三
年別，未許尊前稱阿翁。

其二

看到梅花十萬株，清吟一月住姑蘇。城中屏障都
題遍，施與吳人百斛珠。

送張廷儀

石田集

七言絕

五

楊梅墮地連日雨，江上喚舟不來黃帽唱歌今
撥掉青天白日眼，俱開

喜張碧溪至

童子杖藜非厭貧，秋林紅葉頗如春。交遊未必在
杯酒，正是老年無故人。

題嚴子陵像

聞道先生藝足時，曾無一語答相知。後來亦有同
衾者，再四能歌抱蔓詩。

西湖行枝詞

春風楊柳綠絲、似妾千思後萬思妾家有酒沙
糖味郎若來嘗便得知

其二

妾在船頭偷看郎、騎白馬好風光錦樣荷花三
十里中間一對紫鴛鴦

其三

杏子單衫窄樣裁荷花嬌貌一般開中心有事誰
知得酸去酸未只怨梅

柳枝詞

石田集

七言絕

六

春夢沉、鳥喚醒烟條兩葉為誰青別離多少東
風恨不在長亭在短亭

題魏公美小像

鶴山孫子舊家聲讀易重開水上亭昨夜梅花四
簷月清光不照大玄徑

畫扇三絕壽德南

與君今為老兄弟我已將衰君正強自愧無聞四
十二鏡中殊覺鬢滄浪

其二

急秋七月廿七日喜子懸弧屬令晨與婦持漿挈
兒女堂前同拜白頭親

其三

躬耕力食我不厭辛苦讀書君自安待取他年婚
嫁畢白頭同話保家難

答友人求詩

索詩又是一年餘誰道休文懶未除多病閉門芳
草歌吟未却愧故人書

促陳啟東和章

石田集

七言絕

七

竹影攪陰轉夕陽懷人應只在東牆不知彩筆將
春興未遍烏絲尚幾行

招爻不至

故人不肯訪雲蘿秋事闌珊奈爾何十里芙蓉俱
落盡相思惟有月明多

次韵題劉完菴畫

天涯幾見一人還僧寺來偷半日閒勘破十年塵
土夢畫中不寫晉陽山

題劉完庵所遺菴公天影閣山水

舊遊詩畫少劉公人已寒。閣已空仙鶴倘來還
感慨只應此地是遼東

虎丘送陳玉汝赴春闈

峰頭閣酒看湖色樹上開窓見鶴羣今日登臨最
高處似君平步入青雲

題林子山濯足圖

子山趙文敏之甥有隱操

宦塵不染山人足却寫滄浪濯足圖果是滄浪能
濯足可曾流到涓陽無

夏太常為浦士安作兩竹今遺其甥金仲和

石田集

七言絕

楚雲零落楚江秋日暮令人省舊遊白水同心十
年事一番聽雨一番愁

夏太常為仲和寫梢配之

寫玉仙卿老更工墨池生雨又生風謝安已去羊
曇在十載瀟湘似夢中

題方壺畫

龍鬚嶺上丹經發海岳庵頭墨法真草樹依然黃
雀遠江南思煞未歸人

題陳啟東竹卷

亭、碧玉真堪倚嬌、青鸞不受驂豈是玄都觀
中物秋風秋雨自江南

書禱公酒病而後

遊兔何地月蒼、錯認泉臺是醉鄉一个石幢千
載事酒籌今日為誰忙

陶朱公知子

見若惜金雞贖死阿翁先見却如神曾家老母尤
能事自信參見不殺人

題號國夫人宴歸圖

石田集

人七言絕

九

倚馬嬌羞認八姨春酣歸院日斜時回頭聞得漁
陽鼓猶料催花輟宴遲

書事

買珠豪客下京城貂帽狐裘作隊行大鎗價金誇
帑物就傍真鑿貢州名

其二

百兩高酬一顆圓吳兒見狗利寢堪憐東家白賺西
家物即出門頭自賣錢

次東原先生與其甥魏公美詩畫前

蒼々筆力似荆開白髮圖書老不閒未許年彙乞
西豎畫中亦與舊溪山

題聽秋翁所遺墨竹

草閣秋風拂舊圖墨痕猶自濕珊瑚丈人已化遠
東鶴今日空憐屋上烏

桃花

活色生香傍石栽三郎常喜看花來如何內苑偏
消恨不向青驄蜀道開

咏妓失環

石田集

七言絕

三月花飛江上春扁舟愁殺渡江人就中心事知
多少暗脫明珠贈水神

水字改作活字似較好

送人歸杭

碧玉西湖紅藕花酒壺月色賸堪賒蘇州不似杭
州好莫恠行人苦憶家

太湖竹枝歌

吳江長橋如長虹西來太湖橋下通我愛落日水
如鏡照見人影在波中

蘇州南來是太湖少見楊柳多桑林誰家女子在
樓上手揭紅簾看打魚

贈陳母則

千祿未曾登薦稿養親還自讀醫書名園綠水城
南路大樹啼鴉是故居

獨釣圖次周桐村韻

魚無魚有皆為樂不在任公十二鉤
鷓鴣自沉波繳乳蜻蜒欲立釣絲柔

題顏孝廉公懋扇

石田集

八七言絕

十一

齊女門頭顏孝子屋頭樹上着啼鳥
屋中人好鳥亦好人有好見鳥好鷄

招金鑿酌

鑿出於陸氏

東老床頭酒正香山尊成碧待君嘗
還須為我一停棹莫憶他鄉是故鄉

同心堂

一食同餐一被眠弟兄誰似陸家賢
世間多少忘情者不認黃金即認田

戲馬千里

春水菴花自到門琵琶聲細月黃昏試看司馬青
衫上濕盡如今是酒痕

葛嶺

賈似道故居

不勸君王復兩河亂離時節自笙歌彈丸處是臨
安地廣買公田也不多

其二

閒堂寶閣畫圖中天乞湖山養相公正是襄樊多
事日却將征戰寄秋蛩

其三

石田集

七言絕

士

客路蕭蕭正馬遲洛陽橋畔正堪悲故人莫道無
相見恰在南來北去時

其四

相府豪華無盡時誰知榮辱自相隨開元寺裏多
秋暑淚落西湖舊竹枝

輜光庵

藤花委送風能掃石子布堦雲自生白髮老僧來
遊客開門隨口問鄉名

其二

峯巒曲密松杉暗臺殿高低紫翠迷遊屐到門清
梵歌杉鷄飛上樹頭啼

送人之京

二月閭門楊柳黃酒波山色照斜陽別時先話歸
來日莫待梧桐葉上霜

為陸古狂題畫

三月江南花滿枝東風未是倦遊時陸郎自愛春
山好醉裏題詩謝子規

楚峰雲為吳歌者賦

石田集

七言絕

七

長安道上晴依柳平樂樓頭濕傍花一片迷蒐無
約束又遮明月過西家

其二

英、白地忽相逢白地相逢意萬重十二碧峰無
不好為誰過淡為誰濃

寄吳狀元原博

原博舊有鬚之文

文章不是鬚鬚時轉見鬚長文更奇省殿兩元皆
自取豈憑春夢替劉滋

觀辛卯浙江鄉試錄寄沈明德

滿院桃花九十株，爛然春色照西湖。
沈郎不解修花譜，徹底從頭一字無。

送祥公歸靈隱時劉完庵作古感慨有作
飛花送酒春三月，芳草留人兩一川。
蠟燭未銷香炷在，舊遊如夢話前年。

其二

前年記宿老僧房，清夢時時遠上方。
龍洞菴花萬松里，再遊惟恨少留郎。

題杜東原試竹

石田集

七言絕

古

三年鳳鳥不能鳴，一日能鳴便可驚。
昨夜碧簾明月下，有人傾耳在秋聲。

偶書

老身默々沉浮裏，薄問悠々可否間。
我也不知如許事，閒梳白髮對青山。

其二

情緣百感晚來生，寂々空庭默々行。
如此浮雲如此月，照人何苦不分明。

望陵圖

睨遠君臣此共登危闌高起碧雲層
魏徵未必能昏睡別自分明在獻陵

贈老人

淚滿雙頤雪滿顛一身憔悴自應憐
座中誰似楊開府莫易逢人話少年

劉德儀索詩畫送錢進士母恒

劉郎送客江頭別客子揚一謁帝居滿眼青雲
真可羨歸來連夜教兒書

端陽日與吳惟允柱子問雨中讌飲二首

石田集

七言絕

十五

門外有人來看竹亭中今日正觴蒲
端陽雖作重陽雨好客能來非索租

其二

半夜清談破風雨一燈踈影照溪山
他時看畫知何地且寄相思水墨間

為吳惟允題舊畫山水

寫圖又是十年時今日相看鬢有絲
雲石風泉皆可醜徐凝慙愧重題詩

送謝朝用尹安仁

黃梅時節雨沉沉，謝令行舟江水深。此去饒州還
半月，野人先已俟鳴琴。

題鶯

賈詩買酒醉春城，破盡青衫白髮生。四海固無知
我者，錯教啼殺樹頭鶯。

送張禮部企翱還朝

泝水朱旗映畫窓，官船催發鼓鼙聲。長途筆硯無
封事，對寫青山過大江。

與如僧官話舊

石田集

七言絕

六

記得松陵覓遠公，隔溪鐘磬水雲空。廿年重話今
宵雨，白髮相看似夢中。

赤壁

阿瞞回首戰船空，但見周郎一炬紅。千載遺民江
上位，至今猶自說東風。

用張外史韻題明公山水

看雲側迳青蘿枝，跌月方床白氍毹。不管果園山
鳥食，小童隨地拾殘糝。

詠老少年草

朱草能生太平卅形霞凝葉照深秋山人相見偏
慚愧老倒西風却白頭

題畫送五侯休致二首

浮雲滿目使君行山水無輝日未晴明日相思何
處是甘棠樹下獨聞鶯

其二

江天正有漫々雪行客應無緩々期越水吳山一
千里輕舟歸去似來時

補題菡公送酒賞菊圖

石田集

七言絕

七

先公把酒看黃菊十客于今少六人無限傷心舊
遊地一籬秋雨對沾巾

戲方道士中酒

十日酣歌酒不醒扶頭猶盡玉雙瓶月明昨夜蕃
釐觀又為吹簫憶幔亭

畫楊梅答韓克瞻

西山有兩楊梅發東老無詩口舌乾珍重故人知
此意高林糖寄蠟跌丸

題妹淑真畫竹

繡閣新篇寫斷腸更不殘墨寫瀟湘垂枝亞葉清
風少錯向東門認綠楊

王廷規見訪

江春波綠蔣芽生孤棹東來見遠情細話舊遊如
夢事一燈風雨五茸城

題列仙傳

空為神仙錄姓名數行殘墨寄長生青天不是劉
安宅鷄犬于今地上行

和陸夫叅益昭休政詩韻二首

名曰集

七言絕

六

烏紗軟側髮垂肩舊是薇垣一懶仙三徑竹陰芳
草歇也堪行樂也堪眠

其二

酒爻吟朋鎮日來水邊花草夕陽臺題詩遍在芭
蕉葉不是封章信展開

鷄聲

啾々喔々苦相催枕上聞時客夢回無限人間憂
典患為溲傳送上心來

聞歌憶王畏齋

風流文采今誰似到處春遊有所思千樹垂楊一
黃鳥清歌疑在習家池

次張汝弼與友人夜話詩韵

南安太守有清詩文物風流似晉時空向人家看
醉墨幾篇風雨濕烏絲

萸石圖送顧一松

鶴程輕美六三千歸去玄都只瞥然洞口碧蕉秋
葉大新詞聞錄小游仙

人以墨菊見遺復畫菊答之戲作一首

石田集

八七言絕

九

昨日得君霜下傑報君還仗傅延年黃金未許通
來往聊廣山翁買墨錢

題畫贈陳育庵

四月高齋踈雨餘詩翁聊伴竺卿之
魚燕子搗
花過幾片飛紅點著書

徐美中役滿還吳江

府裡送歸文學掾家中迎着孝
年不食吳

江米秋穀垂花今滿田

題郭忠恕畫李西臺嘗錄其汗簡集以獻皆

科斗文字

蒼壁長松有仙骨斯人好在白雲鄉西臺汗簡今
零落科斗春深水滿塘

題蕙花芙蓉寄徐德美

烏紗白髮知新寵春草秋花遠處塵想得江南十
年別相看便是故鄉人

水仙花

何事花名借水仙問花端的了無言凭闌但覺微
香過風濤春波月滿軒

石田集

八
上言絕

二

蕉

風裡高標何直立雨中大葉不低垂山中草未無
知己密扎緘心欲寄誰

送陸允暉

陸郎幾宿春山去山鳥山花盡有情白李紅桃塞
行路黃鸝留客兩三聲

嘗畫散木圖贈客以叙十年之別又七年客
復持至索題其帝已弊

十年別意初成畫散木蕭條又七年人已何堪紙

還葵髻毛垂雪照晴川

夏太常兩竹

崑山雙竹森雙玉移種朱家樂園坊裏有人還
似玉讀書聲共兩浪

水鄉孥子十首 有序

水鄉孥子十章言鄙而淺其意則深矣吾
鄉以水為害者接歲饑民多委溝壑否亦
轉徙牧民者不之加恤而以戶傭井稅槩
於高腴之鄉故其害益甚為孥子者固無

石田集

七言絕

廿

苦為父母者固有愛今者反是曰舉孥子
所歷言之則孥子之父之母不言而可知
已亦猶誦麟趾以識文王子孫之善也

水鄉孥子難存活半去神堂學打吹、笛會時還
打鼓學如不會趁捷旗

其二

水鄉孥子求魚活辛苦求來賣又強今歲水多魚
却少空籃歸去兩床

其三

水鄉孛子無衣着手脚皮皴要忍寒見欠戶傭三十貫阿爹領去賣還官

其四

水鄉孛子田無麥趁伴高鄉拾穞頭爛是麵條乾是餅看他人喫口涎流

其五

水鄉孛子無牛放賣不勝錢未有年家裏闖嗔閒索飯嫂來聒罵阿哥拳

其六

水田集

七言絕

三

水鄉孛子能辛苦短小伶仃氣力無五畝白田春漲裏踏車不轉打籠胡

其七

水鄉孛子打教搥手拔茅針蠶塞餓不見阿娘教喫飯竈中無火已三時

其八

水鄉孛子瘦堅、趕使能行便顧錢饑飽惹人真倒卧也無娘惜與爹憐

其九

水鄉孳子團泥佛俗說團泥雨即來怕見田陰糧
不准阿公嗔打哭哀

其十

水鄉孳子最堪嗟自小離鄉不戀家終日趁娘求
活去傍人門戶唱蛋花

題畫與古中靜別

寫畫題詩送子行尚因此紙寄餘情雲山儘有留
人意萬壘千層路不平

荅顧澄之

石田集

人言絕

三

野人笠子日卓午吉利橋頭煩下車別後相思正
無郵開門忽接寄來書

雙松寄林郡博

我從雲表瞻雙樹兩蓋千年翠不乾豈是人間閒
草木七閩山水映高寒

送陳考功朝用告省還家

祖席正開何孝德晉陵車馬定傾城扁舟載取中
秋月要使人知客况清

題蕉送趙女端

我家芭蕉三百本兩裡小樓殊不眠君來况是異
鄉耳一夜故山心惘然

題畫與陳秋堂別

宦牒悠悠西渡東十年一見欲成翁夕陽又作松
溪別無限相思再揖中

李武選往毘陵寄秦太守

君舟西邁我舟東白鳥偷閒受北風滿眼惠山青
不到五絃聊渡寄冥鴻

其二

石田集

七言絕

廿

久說毘陵同一舟佳期今已付悠悠未應寂寞奈
邊話茅二泉頭有少游

惠山謁文襄公祠

工部昔年遺惠在祠堂仍在惠泉頭吳民今日無
孺袴每過門前即淚流

過聽松隣房

石字牆低細路平未敲門戶有僧迎松風窸不私
人聽行過西家共此聲

華孝子祠下一首

孝子祠前春日低，西簷素壁我留題。
入雲古樹無人伐，千箇乳鶯來上啼。

讀書臺

山麓碧臺唐相葉，相公已去老僧居。
藤蘿石上紛紛月，仙梵聲清誤讀書。

和周桐村禱興韻一首

欺人白髮來不去，背我青春去不來。
背去欺如兩得，武皇猶在柏深臺。

和周桐村虎丘四絕

石田集

七言絕

七

登石路高緣塔，插刺藤梢惱客衣。
要咏白雲千頃外，澄江不數謝玄暉。

其二

劍池石丈勞誰鑿，陵墓沉沉向此藏。
千載自瞞誰不識，遊人箇說吳王。

其三

龍山何事獨宜秋，可愛雲巖日遊。
士女出城多似雨，何須太守作遨頭。

其四

憑君莫問真娘墓春草萋萋不可尋只有落花如
笑靨年々恨與綠波沉

墨典齋即景二首

山花自開我自閒
兩紅烟碧春不慳
爲渠小筆補
揄亂蛺蝶飛來忘却還

其二

蛺蝶飛來忘却還
隨他春鬧我常閒
危杯閣酒恰
微醉細雨濕花雲過山

病中寄謝揮使

二田集

七言絕

共

秋風八月稻生房
秋雨淋漓水滿鄉
老病未能耐
再拜卧聽簫鼓下西塘

寄張用光時通判河間

別來最憶張京兆
梧竹清華照素秋
本是玉皇香案吏
暫教分牧小瀛洲

題錢方伯景寅扇

富貴于今歸故鄉
紫髯還似釣絲長
研魚小緩黃
金帶自信松江勝武昌

題畫寄吳汝輝

深溪不斷樹交花草淨漚明處、沙七尺瘦藤扶
一老緩隨流水問山家

暮春送客

舊迹新痕酒滿衣東風紫棟又花飛金閭亭上偏
無賴春與行人併日歸

又題周醉翁扇

老子心情似小兒水邊猶解作春嬉東風恐尔無
聊賴故遣飛花惹鬢絲

醉茗圖

二田集

八言絕

廿

酒邊風月與茶同陽羨春雷醉耳聾七椀便堪酌
酩酊任深高枕夢周公

喜頌安道致政歸

九天風露拂星簷鸞羣中叢晚叅何事却思烟
火食一杯萸菜落江南

陪程諭德先生遊靈隱精舍

停舟水驛阻秋程野寺閒行偶入城草木六知詞
客到故留霜葉待題名

兩止燈下觀陸允暉畫

宿酒初醒喚茗杯
照泥星出夜雲開
疎林亂石秋
繁下濕翠沉
怕雨來

學畫竹

細葉天枝隨手掃
區兔鶻不須論
湖州萬尺鷲
溪絹借我聊為犢
鼻禪

十五日寫雪景

老夫正忍表安凍
記事猶須作雪圖
江左流亡今
滿眼破寒新酒不成沽

登東臬以舒嘯

心田集

八言絕

共

紫髯慙處天風動
清籟鳴邊草木驚
一箇東臬千
載後不應今日有餘聲

臨清流而賦詩

乾坤浩蕩誰非客
天地中間我有詩
榮木停雲都
賦了清波淩亂見長鬚

廿四夜書事

催租鞭朴命何堪
百落千村盡賣男
廿四夜來時
節在梢無星火卜田蚕

牡丹

花好何須爛熳開一枝紅玉見重臺東風莫便相
搔觸要盡臨軒三百杯

為臧里孫雲亭題四畫

雲亭豈在尋常地正近城南尺五天
蕉酒不無茶亦有玉笋閒度小遊仙

其二

白日沉似母長靜披書卷
更焚香門前春水花如霰
燕掠魚跳有底忙

其三

石田集

人言絕

先

仙泥迸兩石痕青罨畫山林仙
暢亭耳目欲閒未得雲須要看水須聽

其四

曼嶼重溪細路分兩遠歷亂鹿成羣
藤枝管領佳山水行有飛花從有雲

復和吳工部元玉所分韻夜闌更秉燭相對

如夢寐十首

四首

西齋雨脚冷下打鼓僕夫催往駕使君薄暮亦
不留從此相思起今夜

其二

酒醒懷人覺夜寒
別應容易見應難
杏枝新月相
聊賴來照微吟
遠石關

其三

昨夜咲歌今夜靜
照泥星出春波映
江湖滿地
年人杯酒相逢
豈無更

其四

酒闌總火西軒暝
水墨依微貌林嶺
憑君捲去夜
燕圖未知報筆
何時秉

其二田集

七言絕

三

其五

風流工部清於玉
一段才情卅應獨
憶將長話送
長更栖燕入簾
妨蠟燭

其六

憶君過我溪之陽
春酒朋尊為我將
天亦於人留
好客斜風細雨
故文相

其七

離情一棹內話
柄猶堪供後會
白翎斜對須
手開擬與盧仝
面相對

其八

蕉葉題名空醉書相逢相別不徐
人生離合尋常有只恐鬢顏無故如

其九

呼兒重剖床頭甕臨路三杯為君送
木鳥明月我重來殘酒新愁捲如夢

其十

花柳沉、氣如醉節物雖春非樂歲
憂時惜別捲驚心燈影臨牀不成寐

三田集

八七言絕

濯足

滄浪未吝紅塵足日、於人好量照
故設太湖三萬頃行人自是不能來

麥舟圖

范相義心吾得畫深長於水重於山
三喪不舉尋常事一箇麥舟千載間

龜源圖

啼餓見女正連村况有催租吏打門
一夜老夫眠不得起來尋紙畫桃源

題畫贈劉方伯

有人來說西湖事老葑重開萬頃無
我把使君胸量比未應中止一西湖

答孫希悅詩畫

故鄉欲見不一偶上國寄書勞所思
千里兩情今在眼碧山紅葉照新詩

吳嗣宗讀書圖

我愛君家醫俗亭籍叔讀書雙眼青
阿咸亦復有舊習夜半燒藜照六經

八日集

七言絕

卅

自遣

百事無成一老身秋風歲布裘寒鴉書生未必能
窮相蕭颯還留兩髻銀

除夕

授：一年今夕了明年今夕却如何勞生苦與頭
相感白髮平看九分多

韓克敬移家汝穎

未盡梅花欲杏花故園別酒話天涯從來只是江
南樂又見人移汝穎家

題益繡衣母傑畫

江上東風花欲飛，兩晴波暖綠初肥。
溪庄野店騰騰醉，淺塢深村淨淨歸。

其二

孤舟兀兀，推寒姿撲面，西風換酒時。
萬水千山三尺雪，一竿粧點柳州詩。

其三

嫋嫋風巾白髻，踈山人身母似皇初。
石根樹底殘夢落葉，蛩絲點着書。

山田集

七言絕

三

其四

先路未須雙白鶴，扶衰還要紫藤條。
松陰水影溪如鏡，照箇詩翁過野橋。

題先人畫萱

先人手寫宜兒草，綠葉黃葩盡可憐。
我莫字男真不肖，傷心春得浩無邊。

先人畫菊

黃花的是先人筆，淡墨生香風露時。
一紙千金屬隣舍，憑君保取不凡枝。

聞山中伐梅樹

擾、西湖使者來君王有意訪藍梅酸兄怕道無
羹手甘與山僧脩爨材

偶書

春來吟事苦匆、短髮搔多翅作翁才見花飛又
花落一場淖失付東風

新鶯

細雨絨寒不放晴金衣踈竹度流鶯建章綠樹春
如海瞥見昂擔却眼生

三田集

七言絕

四

暮春

沒計留春、要歸風催雨迫牡丹稀一場春籟
朝是愁殺楊花掠亂飛

即事

才回尚食尚衣迎鳥使花網接隊行說與太平
氣象引看兒女遍春城

惜春

斷送春都是綠陰留春無術鑄黃金不堪杜宇聲
中血滴入江湖萬里心

聞鶯

愛渠簧舌弄春風又喜金衣萬綠中
中路去來須料理莫因聲色受人籠

題趙松雪畫馬

隅目晶瑩耳竹披江南流落乘黃姿
千金千里無人識笑看胡兒買去騎

題畫

青竹長竿白石磯江風吹雪鬢毛稀
秋來尚恠鱸魚瘦若比吳民太較肥

六田集

人言地

四

題畫

茆山看過又天平箇箇芙蓉挿眼青
兩骨雲臙魚不好為誰過畫得真成

題畫

消暑桐陰宜野服倚雲山脚洗清泉
一雙白鶴可為驢直錯上天還下天

題畫

草房仍著薜蘿遮地栢林深獨一家
只道春風吹不到門前依舊有梅花

題僧畫

覓取城中僻地居，碧雲迤邐隱鍾魚。
不知秋柿千株葉，供得山僧幾日書。

題竹謝賢

芙蓉仙子足金丹，換得瀟湘玉一竿。
滿地綠陰車馬迹，有人日日問平安。

題畫與德南

柳條低妥水容淨，燕子乳飛花事忙。
芳草日長春似畫，有人將夢落池塘。

石田集

人言絕

吳

倣倪雲林小景

壩得倪迂水墨圖，還如學士畫葫蘆。
便從尺紙論千里，謾把閒心付五湖。

折花仕女

去年人別花正開，今日花開人未回。
紫恨紅愁千萬種，春風吹入手中來。

題劉完庵山水

青李來禽寫未閒，又將寫法寫溪山。
疎雲古木蒼蒼筆，猶出龍跳虎卧間。

題畫

浦樹冥々綠未齊
雨晴泥滑鷓鴣啼
相思不見江南客
一曲竹枝春日西

春草圖

碧葉搖鵲聞作蘘
水邊林下自春風
靈芳不是尋常物
知落誰家藥籠中

題畫

宦海如今路不遙
大家騎馬踏霜朝
水南水北無人住
古木寒泉對寂寥

小田集

人言化

題畫

看雲亦道青山動
誰道雲忙山自閒
堪笑山人閒不了
侵朝洗研寫雲山

題蕉

慣見閒亭碧玉叢
春風吹過即秋風
老夫都把榮枯事
却寄蕭々數葉中

題蕉

老去山農白髮饒
深簾晴日坐無聊
榮枯過眼無根柢
戲寫庭前一樹蕉

題蕉

風裡高標何直立
雨中大葉不低垂
山中草木無知己
密扎緘心欲寄誰

畫梅蘭

有序

凡梅蘭于畫家為之自有法行幹着花葉
不可以無停而自得也今予戲染此紙紛
乳爛煬頗得草木葳蔚之真其間自有逸
氣使專擅之人觀之必以此壯求其驪黃
也知逸氣者必曰刻鵠不害其為鶩矣一

石田集

七言絕

笑

梅蘭本是他家物
小筆今朝為我春
魚目混珠聊自喜
原非琢玉弄珠人

題畫

日落江明樹影稀
秋高露氣易沾衣
只今四海民皆瘠
不及鱸魚箇、肥

題畫

雷雨飛蛟草氣腥
流淙百道樹冥冥
春山浩渺春雲在
何處令人覓暢亭

題畫

略約通溪細路縈紅酣野樹覺霜清誰家亭子山
光裏欲借蘇公禪勝名

題畫

百疊春山百疊溪人家分住水東西賣魚鼓響日
未落一對野禽穿竹啼

赤壁圖

莫從兵火說東風杯酒江山別長公兩度醉遊千
載畫吹簫人在月明中

小田集

七言絕

况

題畫

信脚清淡細路斜角巾捎落紫藤花尋常記得相
過處口未磨門先喚茶

獨釣圖

楓林霜重葉痕丹瀨響濺石齒寒一掣六鰲無
好手江湖今日賤漁竿

春景

氣暖山晴雲亂生桃花穉葉聞春明田翁偶語還
相笑野雉驚飛入竹鳴

題畫

風和楊柳初偷眼
兩怯桃花未放心
且載一壺江上酌
綠波春酒共沉沉

雪景

老夫鴛雪溪樓上
白玉江山照眼明
六月塵中寒氣栗
烏人都道葛衣輕

雪景

得簷玉樹排雲立
接屋瑤峯拔地生
忍凍從來有詩骨
開門一笑萬山明

正田集

七言絕

四

題畫

霜葉流紅礪道分
化年白石斲成羣
金膏水碧無人採
埋沒青山在白雲

題畫

秋林黃葉獨行人
短髮蕭搔兩鬢銀
老到江南窮不死
也勝騎馬踏京塵

題畫

夜來初見照泥星
早覺苔蹤得青白
李紅桃蕊無賴
飛花直到水心亭

題畫

秋葉霜明照水殷
夕陽影裡一舟還
傷舟鷗鳥閒
應劇還道數鷗人更閒

題畫

重林後嶺雪初收
石瀨潺湲帶玉流
儘好山陰可
乘興王猷過去別無舟

題畫

重林高下樹青紅
粧點人家似畫中
秋色滿村歲
不住隔溪分出一株楓

石田集

七言絕

四

題畫

上巳春光屬好春
白雲流水淨無塵
杖藜何事尋
忙去詩在青山却待人

題畫

最愛溪山好
亭子松聲花氣入
和風閒行直是供
微咏春滿先生杖履中

題畫

林壑宜人坐不還
微風入樹葉聲閒
攤書正有巖
花落故、留紅句讀閒

題畫

渚宮迢遞見樓臺
楚鴈吳舟萬里來
山水無情有
憎愛一程相合一程開

題畫

題詩寫畫非塵事
亦恠閒緣累老身
滿地江湖分
醉墨未應泉石但新隣

題畫

草堂風物似成都
山氣入簾門對湖
屋下丈人多
孝義屋頭高樹著
慈烏

石田集

七言絕

四

題畫

十年不到石頭城
揚子鍾山只恁橫
安得重尋伯
休宅對床風雨話
長檠

題畫

番、花信是狂風
到處園林掃欲空
正賴東君作
姑息薄留紅艷伴
衰翁

題畫

秋藜不到水邊亭
隔是殘春草亂青
要緊閉門風
雨橫但教泥醉莫教醒

題畫

綠陰如水逼人清，隔葉黃鸝坐久鳴。
一箇樹根非八座，白頭箕踞有誰爭。

題畫

落日江光淡不流，平頭舫子貼天遊。
癭尊酒盡三百斛，大醉來題黃鶴樓。

題畫

我本前身鶴上仙，人間罰位一千年。
玉笙塵夢頭如雪，待得醒來海又田。

石田集

八言絕

四三

題畫

高霞散雨發秋晴，放目放懷臺上行。
一隊白鷗閒不過，也隨人去作逢迎。

題畫

丘亭不復留門戶，許到人間可到人。
明月清風是家事，高林絕壁與比隣。

題畫

蕭蕭叢薄帶溪南，水墨微踪兩半含。
不見三年樹如此，畫人殊覺老何堪。

題畫

詩思凝懷采易裁平臺一半夕陽開
桃花小圃松枝發碧嶂中分綠水來

題畫

清暑茂林風日好兩翁談屑落高閒
白雲故沒行徑要絕世人來此山

題畫

山徑蕭蕭落木疎小橋流水限林廬
秋風黃葉無人迹鷄犬不聞惟讀書

石田集

人言絕

四

題畫

雲裏一樓高萬竹樓中人與竹俱清
默然天地恍聞處人不能言假鶴鳴

題畫

江草青々江柳新一雙飛燕兩如塵
輕舟短棹閒容翠幙紅樓多醉人

題畫

長松落落不受暑髯影釣絲俱渺然
碧江千里未入眼飛過一鷗方可憐

題畫

輕鞋短杖領雲霞十里陽厓一徑斜
輸典詩人揀行樂長松行下看梅花

題梧竹

畫了梧枝又竹枝綠陰如水墨淋漓
信人捲去糊窓壁兩、風、捲不知

題牡丹

名牌新樣紫牙列露重烟深正好看
却怪錦雲低亞樹帶風扶上玉闌干

石田集

八七言絕

五

仕女圖

鮎薄窓虛日映樓杏花風蕩玉簾鈞
手擎粧盒偷微笑紅蜘蛛絲在上頭

五柳圖

澗賦一篇歸去來先生殊覺好懷開
要知隱德未存柳住爾人家門戶栽

石田先生集終



